




1380



秋澗先生大全文集

五



Blue

Cyan

Green

Yellow

Red

Magenta



White

3/Color

Black

TIFFEN Color Control Patches

© The Tiffen Company, 2007



秋潤先生大全文集卷第十五

一
言
理
新

芝
軒
兩
自
註

龍
住
因
全
書

者
清
故
國
公
題

水
印
樓
耳
私
印

文
鏡
連
封
私
印

萬
神
高
謝
私
印

大
香
樓
四
帖
私
印

秋
潤
先
生
大
全
文
集
卷
第
十
五

秋澗先生大全文集卷第十五

七言律詩

濠大夫廟

芒鞋兩自近關行頗訝先生出處輕
道亟卷懷傷喪亂仕因公養辟專榮
輟車彷彿公門敬寡過依稀聖者清
故國令煙喬木老至今君子號鄉名

苦雨吟

禾頭生耳駭輪囷一雨霖瀼迫兩旬蛙出坎居喧鼓
吹蟻連封垤失君臣陰沉便恐陽烏慘飛舞爭看石
燕神寄謝碧鷄坊裏客不煩羨金怨生塵

迎秋

大暑推回酷吏輒先聲傳喜到梧楸清商載路歌夷

則白駱前驅候蓐收氣肅衣裳初復辟露清行殿拜
凝旒若論成結功尤著不解詞臣九辯愁

明霽

雷霆威霽雨初迴戰罷昆陽萬馬摧成結歲功真有
望洗清天宇覺重開秋菌出木驚朝暮野水增波阻
往來腰足痺頑欣一散約携藜杖晚登臺

箕子廟

唐在汲郡

剗剔忠良詫肉林當年愁絕父師心道傳未害奴爲
辱俗古方知化獨深上念聖湯思自獻下逢周武是
知音野煙無地尋遺廟空詠芄芄麥秀吟

挽梁財禦邦傑二首

酒船茶竈柳溪煙把臂論交記昔年列郡剖符方再

考銘旌埋恨便終天風纏大樹摧蘇嶺雲黯歸魂近
赫連四十三年成底事一杯慟絕九山前
梁侯躍馬英妙年大冠脩劍身頎然閉車過市殊不
樂快意耳後抨驚絃朝吟醉卧石樓上暮歸射虎南
山前聞說三城足遺愛令人空憶使君賢

奉荅彥正參議書問

清晨庭鵲喜相呼薄暮敲門得素書地重每愁屯照
腮人來還喜駐青居煙開瘴嶺三軍壯氣壓巴江百
戰餘一檄我知邊報靜西南爭識漢相如

酒醒聞雪作呈陳侯

陰雲低壓濕衡茅暖透衾裯地氣交縞色漸生明月
幌風聲先到碧筠梢誰家獵騎長圍去何處柴門向

曉敲開歲春風兩岐秀坊看晴浪際農郊

至元四年歲在丁卯暮春之初陪陳王二

郡侯泛舟清水兼携妓樂

山圍牧野青未了河抱鄘城勢轉雄高會遠為開府
設仙舟還許李膺同春光淡沲明歌扇吹管飄蕭颺
遠風鄭重使君雙皂蓋月難留醉恨怱怱
風暖溪深夾岸花緩移蘭棹轉難似醉停杯酒清歌
細看弄漁舟白日斜誰與澆花微故事行觀春物到
山家似堤不用雙紅燭馬首歸時月有牙

川故事太守自正月出
三月及浣花止

溪回路轉無多曲風軟舟輕恰數人汀樹弄晴供望
眼岸花迎笑喜行春千年勝賞蘭皋在五郡謳吟使

節新多謝絕 吹醉帽惺惺恰及到城墻

寄王總管子初

新築茅堂並水扉柳陰連接到漁矧平疇綠滿禾方
秀高樹涼多露米晞挾策不干丞相府入山終製芟
荷衣故人在龍津府書葉翻香吏事稀

和節齋言懷詩韻

元龍湖海見平生老我韜鈴未易兵格物志精先寔
學採時心切耻虛名風雲自是龍頭客吟笈空懷壠
上耕袖裡驪珠三百顆每從開譙得晶明

林塘秋曉

躡足烟霄謝俊游野人高興在林丘近山欲雨先衣
潤秋水增波拍岸流水葉靜時存復理人心安處即

天遊隔溪田父治荒穢斜日疎烟滿樹頭

卜築

塢溪流水抱村料林杪青山隔岸賒平日買田惟樂
此他時成趣要移家溪邊種柳眠黃犢竹底開門繞
白沙任使傍人呼漫浪雨蓑無負釣魚槎

送王子初揔管奉

詔北上

聖代崇儒意匪輕徵車相望半諸生九天雨露思賢
相十載經綸見老成更化有方先定制採時無驗是
虛名烟霄未遂攀鱗志葵藿空懷向日誠

簡寄楊治中文鄉

貳車沁水瞻高駕簿領西臺有舊遊邂逅一樽淇上

酒笑談千古庾南樓豐狐闖首歲三火一鷄盤空健
九秋聞道清源足佳景竹林煙雨夢西州

上史丞相

百揆端歸一相尊中臺潛隱北溪鯤人間桃李爭晴
晝天上風雲擁戟門駑蹇遇知思一顧家山回首惜
空奔幸蒙前拂長鳴去曾有文章報至恩

題相者嘗洞春

野隱東過滄海翁醉吞秋日入心骨神機深探乾坤
秘真氣曾驚戶牖龍驢背老髯掀一笑春風歸路指
三峰昂藏我似賓天鶴夢遶仙盤露影濃

和高麗參政李顯甫

恩波如海際天隅一日京師識老蘇喜向崑崙瞻漢

相欵隨仙仗聽嵩呼衣冠自足乘槎客文彩還驚照
乘珠共羨朝天蒙寵渥三韓秋色滿歸塗

開平夏日言懷

土屋翬燈板榻虛一餅一鉢似僧居半編翰草從人
讀兩鬢霜華向曉梳客子衾裯殘夢短暑天風物暮
秋初故園松菊荒多少豈不懷歸畏簡書

郊送雲叟公

寶鞍塵土滿香羅因送行臺派玉珂出郭快於鷹脫
帽歸懷爭奈鰲遺策夕陽明處亂山淺碧草深時
悵多自愧囊雖無利穎青雲臺閣半常何

直中書省

紫禁彤庭尺五天沉沉碧綺鎖秋煙鳳池波暖鏘鳴

佩朝苑才疎愧昔賢人世好懷能幾度風埃長路已
三年綠陰好在西園樹辜負移床聽晚蟬

開平晚歸七月一日授翰職

龍首堀邊野草深秋風灑水動歸心百年蓬卷開圭
竇一日恩光照士林吟鬢有光浮鏡玉家書封喜認
泥金料應曉月簾櫳底乾鵲飛來報好音

吊竹

三徑歸來已就荒更堪庭實嘆云亡窻間月出思清
影簾底風來憶細香便擬碧鮮留賦詠恐應塵俗到
膏肓未容分勸蒼苔破拄杖敲門有底忙

和龐參軍雲卿詩韻

萬事雲翻地釋然不禁哀樂近中年此生得處便為

樂自斷從今不問天最喜遇知傾底裏譬如食蜜味
中邊吾鄉賴有諸鄉在歸隱終期不見魯曾連

送陳尚書經略成都

暫辭喉舌去籌邊調餉中間別有權托境要當成算
後務農思在訓兵先雪山已覺公來重玉壘休矜蜀
險偏東北更看諸葛表春風晴霽錦江煙

太原筆工李子昭許贈予雙筆久不見付

作詩以問之

子昭過晉喜新知雙筆親承遠見遺脫帽一從休老
穎臨池幾負躍蟠螭正煩筠管鹿於臂細理毫鬚健
作錐又向夢堂驚五彩貯雲含霧莫來遲

聞諸軍飛渡鄂渚前次建康

節駐長洲已浪然鐵絙鎔冷瘴江煙膠船浮海從南
道漢日行天摠北旋牛後舉知非晉祗曆期應計過
唐年至元

天子如天覆莫遣虛陳坐榻擅

秋日會牙城白雲樓燕行院使者及嘉定
府新附諸校坐中觀西山風雨

望際煙霏濕翠嶂雄風先作雨前聲鴻蒙氣合先天
境慘淡川迴得意兵涼吹遠隨悲管發壯懷還傍醉
吟生三年畫戟清香地慚愧終童係越纓

賦西城鸚鵡螺杯

老月淪精射海波珠繩分秀貫神螺鷓班漬粉垂金
莖鸚喙嫌寒縮翠窠樽出嬰藤紋浪異瓢成椰子股

空幡飲餘疑與溪娘遇一笑相看發浩歌

乙亥夏六月廿四日西城即事馬上望姑山煙雨濃淡開闔有不可端倪者偶賦是詩以紀其奇觀云

連山中斷壽蒼陞全晉蟠紆未子青方訝野煙沉問
盤忽忽驅涼吹滿林桐天邊雨脚排銀竹物外仙家列
畫屏擬是姑仙遊八表笑迴龍馭下滄溟

挽翟器之八月十七日清晨夢翟君器之
晤言者良久覺而賦以悼魂而有靈恐當
擊節也

淡癖相看忽四年襟期擗散鄭家凌隸書思入錐刀
法畫品人推具眼惟滿壁滄洲驚絕筆一樽別酒是

終天不須只聽山陽遂日暮懷人已慨然

哭郝內翰奉使

大河東匯杞連城之子南來氣宇盈義契重於平昔
友斯文公與後來盟苦心問學唐韓愈全節歸來漢
子卿十六年間成底事長綸惟見使華名

次楊子英詩韻

十年芸閣想差肩曾侍紅雲尺五天幕府蓮波知
泛鱗臺勲業浩無邊劍埋古獄終衝斗玉蘊藍田暖
自煙留取膏中踈俊氣它年揮手障汾川

題開封府後臺壁至元十三年被

省院檄同開封尹陳侯試河南儒士四月
十九日抵京授館開封後署相與握手活

舊且及包范二公事業時予耳疾止酒談
噓間暮兩大作連明因述鄙語奉一笑云
使軺南下入京華滿眼交親笑語諱共訝老螭蟠北
海自怜賤子宿南衙關河痛別襟期豁風雨翻空夜
氣嘉負煞清尊三百爵胡床相對看簷花

投宿涪川驛時病耳

話長不覺道途備馬轉河堤入宋樓時事未容談笑
故園難遂去來休一天梅兩方初夏兩耳蟬聲預
秋最喜此行陪逸駕未妨吾道付滄洲

許昌道中

一雨長途送曉涼陌塵壓盡燕泥香醉歌金縷辭梁
苑笑拍吟肩入潁昌人物消沈清議在風雲開闔

蒼應怜一片西湖水空照行人兩鬢霜

潁封人廟

在宋樓鎮西三里古堤上至元十三年

夏四月考試河南同陳節齋過其廟陳
為索賦故有是作

穎封遺廟枕高墉窈窕舟青力牖空沿道得人無國
小孝心錫類與天通當年大隧融融樂此日喬林肅
凜風摠道茄焦賈餘勇從容難以片言功

友人喪馬

老驥危然燕色蒼今春長記遠乘將翻江風雨曾向
夢伏櫪飢寒想備豈既乏敵惟酬逸德忍令銅印葬
人腸玉鞭剪斷春遊阻驢背清吟要細償

南陽府試院中作

牙堂瀟灑敞晴疏，蒨塙深五畝。居起敬對瞻元凱，廟訂頑欣得鶴山。書心非道義為充實，身與乾坤恐自踈。暮倚城闈還一笑，竿頭蚯蚓引鱉魚。

寄李士觀

時在襄陽蕙簡好古，即中。

拚醉清樽洗別顏，我來君往轉凄然。遙看漢水無三石，不覲清揚已五年。雍舞未收輪鬼笑，候蟲多足返婁隣。義襟誰似張京兆，早為吹壘使北旋。
張京兆謂張好古也。時在襄陽做理鈔教寺事。

南陽北城同陳節齋晚眺

大野東猪楚塞遮，涓川西鷺抱城斜。瓜分鼎峙連三國，地廓天開到一家。丞相大名垂宇宙，龐公高節動

雲霞。千年事往空遺跡，立遍殘陽數去鴉。

宛葉道中

六合雲蒸一氣霾，漫漫長路渴生埃。詩從白雨明邊得人自，青山盡處來。世路有機難預料，談供笑不時開。濟時賴有諸君在，漢苑秋風隄不才。

次宿汝樓韻二首

解却征鞍細履園，月明深夜倚危欄。會慳共惜飄零久，心遠應憐語話殘。尚友共尋佳樹傳，逢辰不戴鷄冠。頌囊擲下驪珠顆，依舊晶熒照乘寒。

微雲河漢半晴陰，夜景蕭森夢化城。山色不隨喬木老，月華偏對故人明。鶴緣露警清無寐，蛙屬官居重有聲。窮廟只今紛治具，正容堅坐看昇平。

贈別按察王立夫二首 時在洛陽試院中作

當年畫省憶同襟此日南來又盍簪夜雨喜成連榻
夢秋霜尤見故人心義方外覺紛華速話久中傾底
裏深他日買田相約老兩椽茆屋共雲林

眼中機括審時張事外論量見直方白璧不酬金屑
笑烏紗能護豸冠霜煙花紫禁期推轂風雨南州夢
對床更就信陵陵上月一尊分手上河梁

留別節齋公因次嚴韻

兩露乾坤不少私至人出處與同期松筠冰雪有定
操人物江山見一時着手正便捫蝨話看雲難受絡
頭絲平生慕蘭公應識秋水長河有令姿

夜宿朝元閣下

垣樓觀天中央星斗拱列靈壇蒼月中清露翻碧
瓦殿簷風信搖金鐺炎歊似殺赤燄怒霧雨謾成玄
豹章 時考試儒士於此故云 長纓土滿未容濯金溝泛曉空蒼
涼

挽呂權漕子謙

維至元十年歲癸酉夏六月 日江淮都

轉運司幕官呂公終於私第之正寢饗年
六十五越明年春三月東平尹信弘毅自

衛過晉始知公墓草已宿嗚呼哀哉公諱
遜字子謙系出東平望族父松金詞賦進

士第官至陽州刺史興定間城陷死節公
其次子也為人疏直愷悌樂道人善早歲

有賦聲生平喜作詩格律精嚴長於七言
近體或有問頌盡吐乃已然如法家斷按
不絲髮貸問者知所趣居漕府幾十年良
謀默計便公私為多其辱知最厚悼斯文
之不幸痛知己之難遇非歌詩無以攄予
衷也乃作是詩躬告墓左魂而有靈鑒茲

誠惘其辭曰

凌煙詞氣呂衡州一語神交二十秋漕府議高推獨
步詩壇吟苦入冥搜眼中耆宿存今日地下周馥是
舊遊秋草滿在斯呂道未容車過爰先流

臨武堂讌醉後有懷 省臺諸公

桂月流光雪滿臺月明人影兩徘徊行雲不逐歌

散往事還隨去鴈哀雙鬢入秋無可白寸心於世未
全及遙憐紅藥堦前客玉樹相依一笑開

簡寄陳節齋

別來碧海三山客偶得新詩慰遠情晝接夜談懷鄧
鄙風荷煙柳夢都城好翻故里三千牘且按秋風九
萬程竅喜新涼換炎暑梁王臺上月孤明

鞠餘望月東臺即事

崖岬詰屈張煩痼老樹遺臺悵獨過山色滿樓簾影
薄柳陰橫沼鳥聲多兩河蕃潤開東雍十古秋風動
漢歌誰看梗陽人有獄鬢華尤比向來皤

日用

萬彙何能臭味同洪纖強梗貴冲融屹於砥柱標天

險淡似浮雲度太空意或近私隨有礙事因無已即
成功莫將此理求諸遠摠在平時日用中

送王丈子壽南下河中

白髮今年八十過故園歸興足蹉跎啓期三樂人爭
仰汲直高風古所多照眼關河增喜色過門香火盡
行窩後期望嶽樓巖上一笑雲煙入浩歌

郝提舉子某至元八年冬見於京師楊氏
書院與之語溫醇有禮愉色睟然意謂奉
身周謹篤於其親者也今年春予官平陽
一日介吳君子明來謁具道郝南還之事
相與擊節嘉嘆久之噫方衰俗頽波中其
孝養有如此者孰謂曾閔之門和樂之氣

有時而息邪此心不匱豈特錫類而已哉
故傳曰惟孝友于兄弟施于有政其是之
謂歟喜為賦詩以贈且廣其敬養致樂之
心色難無違之旨云

古稱百行孝為先就養辭榮事更賢戀戀庭闈心向
切依依親眼望來穿蓼莪報德歌周雅令伯陳情感
母年衰俗陵遲有如此見渠福祿日增川

白樓晚眺

條山東峙盡憚開樓外長河一線來簷瓦蘸波鷺夢
渚鏡鸞空影月臨臺千年事性情如昨滿目春傷恨
未裁更著野花留寶屐安墻隨意點晴苔

洪洞道中送客回有懷 子初舍人

親朋零落故人稀
白首相望更一涯
花底夢歸連夜酒
柳邊情在送行詩
賞心歲月能多日
人物江山又一時
許國壯心雖未老
向人孤抱欲誰知

公堂即事

鴈鷺行趨日出前
潭潭槐府靜秋煙
漁陽慘急三摺後
簿領山如萬慮旋
圖報每虞遺少愧
焦勞何敢獨稱賢
更堪清畏堂中夢
夜夜歸心到日邊

清畏自榜高居堂名

和周錄事感春詩韻

微官休苦日奔忙
須信行藏在彼蒼
心計自憐甞越膽
鬢華何計避吳霜
暫容巾挂三花樹
任使聲喧百鳥場
昨日平湖湖上過
綠波如殼要浮觴

夏縣道中

濕雲壓樹際
崗平澤暑還
因小雨增官事
困人如縛虎
秋風吹野夢
翻鷹趨時未必
儒冠誤並隱
端為野鶴憎
遙憶釣溪亭
下水萬竿蒼
雪照吟燈

題聞喜廟學古栢

世傳清廟聖湯墟
老栢還除十六株
黛色秋煙千古上
石根銅幹百城無
虬龍閱世蒼鬣礫
踈影凌歎吟翠鋪
眇汝自慚詩禮客
摩挲三向孔庭趨

餞張子文驛送戈甲前
赴成都子文雲中人
至元八年冬相識於大都
李玄暉南菴

吟君一軸餞行詩
西望峨嵋有所思
山險不憂巴道路
雨多防濕漢旌旗
雄邊有策看回奏
諭蜀能文正及時
儻見揔戎煩告語
雪山輕重在謀為
勳

寄送朱信卿還吏部

故都喬木已蒼煙

朱翼城人故都謂冀唐叔故都也

玉樹臨風照眼

鮮暫着印窠封瑞錦要從鞭筭看流錢燕山夜月紫

婦思平水春風夢別造不得一杯光祖道汾崗回首

轉凄然

霍岳道中

郡寮招致遠相過冒雨東登荷笠簔比人廟宮三渡

水再尋蘭若重攀蘿倚山涼早疑秋近砵澗溪喧覺

兩多庭下古碑堪晤語倚餘筇杖更摩沙謂劉神川修岳同碑

霍邑懷古

堂堂義憤下并門六合風雲已併吞軟甲不憂三日

兩妖氛獻兩都昏緬懷戍火城頭語死愧忠精地

下魂

謂宋老生也

慘淡鑿鈴原上月至今英氣凜生存

送周錄事幹臣任滿赴都

青衫白髮老參軍銀管聊鋪兩考勲公吏檢身知禮

度兒童爭語說清勤春官吏選多書最祖帳東門惜

重分匣劔莫將塵自翳諫章論草要新文

送漢臣張弟

青青衿珮讀書郎邂逅姑汾意叵量老大正深鄉國

念飛翔不負少年場行沾紅藥堦前露夢到秋風豸

角霜此去固當強不息更須人事卜行藏

壽趙秘監輔之時奉使日本迴西歸京兆

報國心丹氣益振一帆直徹海東垠三年契闊中朝

客石險歸來万里身曠古使華清議在照人精彩壽

毫新終當清淺蓬萊水經制金華要老臣

陳季淵挽章三首

至元十年十二月望陳季淵子次翁道出
平陽以其父季淵喪來告且請詩哀挽故

勉為賦此

筆頭詩話硬盤空詩自工來老更窮玉斧驚傳脩月
手且評推絕斫雲翁幽穿洞穴愁山鬼壯極秋濤駕
颶風千古杜陵原上月一丘分照渭城東
大駕西巡始拜公從容樽酒兩都同杖歸河朔忠尤
壯詩到秦州氣更雄蓮舟晴波奇策在杜陵殘月草
堂空傳家儘慰元龍望湖海諸郎有父風

憶卷

龍旂狩蜀年渡江詩並選鋒先江花冷墮波神泣醉
袖來披玉井蓮已訝羽淵淪老月遽教風骨闕重泉
緬懷春草地塘興兩夜分明夢惠連

挽殷簽事獻臣

扶病南來喜盍簪激揚似為失前禽氣衝豸角空餘
烈響絕朱絃得好音一節儘高完壁事百年誰了蓋
棺心醉魂不到黃壚夜夢繞三山碧海深

微恙

團蒲倚暖病維摩春滿晴窗氣未和兀坐暫容心境
靜好懷安得故人過鐵花繡澁青萍暗世事栽培白
髮多却喜郡人相說似春風門巷雀堪羅

至元十一年歲在甲戌上巳日會府倅張

侯明卿治中忽英甫前摠判張行甫楔飲
于晉源鄉蘭莊刁氏之醒心亭張侯行甫
之子思誠息翁孺侍讌

楔飲蘭亭不可尋蘭莊山水儘清音
揚花糝雪溪流碧野卉留香竹樹深
暫脫帕車三日婦却怜時事百年心
一樽快趁芳時醉明日池塘是綠陰

次日奉命簽南征新軍中外騷然者數月

送郭按牘彥實

東西南北送行頻長路青山輾欲塵
蓮府有聲推雅量柳條無計絆行人
綠波未要傷春浦白壁難酬入幕賓
後夜月明川口道夢歸先到晉溪春

洛陽懷古

重城繚繞枕邛腰二水交纏會洛橋
勢即土中多漢制錦園林苑訝隨妖
山川開闔悲今昔陵谷更遷失市朝
萬古消沉竟何有摠成閒話付漁樵

遊澤州青蓮寺

知州皇甫琰

名山名刹不無神掣電轟雷一雨新
洗出好山真面目擎嵐捧翠特詩人

薰風吹雨不沾衣馬趁清涼入翠微
硤石兩楹天斧斷好山四面畫幃圍
我來勝地清心地僧說禪機與教機
賴有文章賢判府裴徊登眺久忘歸

斜分一徑下林巒金碧觚稜紫翠閣
羣嶺秀攢青巖落孤峰突出玉湖山
鑿開一握乾坤小占斷千年月閒浩
浩兵塵滿河朔天風吹不到禪關

和前韻

盤盤石磴轉層巒寺隱青蓮六葉間天削斷崖開老
破雨將空翠繪蒼山偶因戎治終朝畢暫得僧窻半
日閒清曉出山還一突幾時塵事不相關
覽勝都忘骨葛衣谿風吹雨散霏微霞明殿脚金千
界雲抱山腰玉一團林壑有靈憐俗駕人心無路息
危機風流幸對文章守安得巖栖不更歸
太守清吟句有神興隨山雨一時新身修自是吾儒
事笑殺殘僧說似人

夜過關嶺山

山行四月似涼秋夜半搖鞭下嶺頭心苦自憐嘗越
膽歌長不用撫吳鉤風煙動色開中鎮禾稼連雲際

四州碌碌一官成底事春風歸夢仲宣樓

真卿道中

中條如畫色蒼蒼過雨晴嵐帶夕光望入王官饒水
竹路經虞坂足耕桑未容巖桂相招隱自笑微官
有底忙多謝晚風驅暑退笠簷吹作馬頭涼

謁王官谷唐司空表聖祠堂

人去空山草木香撐霆非爲漢文章三休方擬遺
身累一債應憐爲國亡明月不污黃浪濁清風高並
首陽芳滿斟三詔亭前水拜乞襟靈滌肺腸

慶路伯達八秩之壽

素髮酡顏八十春昇平人物典刑存兩都喬木秋
光老四座春風笑語溫膝下盡歡衣有彩人間無似

壽爲尊試從九老圖中看獨覺光榮萃潞門

爲鄉人壽

壯年虎穴喜竒探老去幽潛一道龕倚杖看雲追
往事閉門留客了玄談關元氣鬱丹浮頰玄髮雲如
綠滿簪今歲壽堂春色好一簾空翠撲晴嵐

秋澗先生大全文集卷第十五

秋澗先生大全文集卷第十六

七言律詩

壽總管陳公

當年劍履上星辰諫草曾蒙

帝子恩天上聲華瞻北斗人間詩價逼西昆儘培桃

李開春苑暫遣風雲擁戟門誰識節齋清白節西山

晴雪照吟樽一作各下梅花淇上竹
兩都無地看春温

斗間占氣識龍泉兩歲公堂拜壽筵河澗已歌千里

遠化行皆自一身先銓齋書掩無私謁坐揚朝懸有

敗瓊愷悌我知神所相墮山喬嶽未爲堅

黃陂曠度吞秋壑卿月光輝烟士林萬目剗裁無錯

節一生匡弼有丹心行春不識甘棠訟濟早終爲傳

說霧萬斛明珠百泉水光風都付壽杯深

清明日拉友生李士觀遊長春宮因謁純

真玉練師且陪姚左轄商簽院二公高論

時至元八年二月十九日也

鳴珂振轂滿重城花底春光沸玉笙放眼壺天如隔
世侍談仙馭勝登瀛松風韻瑟金鐙靜竹露光寒鶴
夢清且莫臨漪門外去夕陽正在總真明

總真閣名

送陳按察東還

把臂論交今十年
竭來蕭寺重留連
已驚秋漢盤孤
鷄更愛清吟障
百川桃李春風
寒食月闌河行
色繞朝鞭
此來論列尤清峻
愈見行身不偶然

追挽省郎王仲蔚

毳幕風翻雪滿床
快書初不減元康
酒餘綺席冰生
頰事解連環
穎脫囊青瑣飛翔
天已老白雲迴
笑恨應長杏花春色
鄰壻酒前日
東城是醉鄉

寒食日韓氏南莊讌集

重城鞍馬厭紅塵
春草池塘發興新
自擬嘯歌知道
在不分賓主
更情親
青山似喜談時事
白髮空慚滿
領巾默數向來
投轄飲不應
驚坐獨陳遵

贈李濟之修撰

久宦紅雲侍

帝輿襟靈瀟灑氣
冲愉絲綸有在人
非偶寂寞求音
意更殊已為斯文
鏗木鐸共驚滄海
得遺珠何當一
片鑿坡月時聽
論思為捋須

簡寄王推官漢臣今從事彰德幕府表弟
韓從益雲卿自相下來伏審雅候佳勝喜
慰之餘謹以此寄奉別后一笑也

燕市分携已半年客來首問喜清妍辨教綠鬢看吟
鏡儘稱清波泛幕蓮五袴有歌清議裏一方無事曉
燈前西溪未減東湖勝滿意河山照酒船

和趙明叔言懷

我初識子禹卿筵秋月金盃上碧天翔集栢臺幾二
載稱停文賦每終篇孤忠自信恒多苦萬事安心恐
偶然白髮行年四十五向誰重理伯牙絃

餞陳簽省行臺西夏

鵬搏九万見扶搖五郡河湟付變調版籍輸誠須實買

守孤寒收淚拜文饒天開相府官儀肅弓掛崑山節
制遙荒服旬綏談笑事太平勲業在

中朝

一作如對軒輝問時事
便宜先為漢家條

虎落雲間四海家河山初不外幽遐龍荒要廓朝天
道別淚休驚出塞笳葛亮貴和書有在君魚砥節老
弥嘉多應青澗城頭月無復驚鷗漲暮沙

漢家威德際髭鬣牙蘂其中慮阻艱金節遠開丞相
府春光先渡玉門關正煩煙火通青海未用梯航致
白環銀字詔還知不遠好來彈壓紫宸班

五郡河西右臂連懷柔有策得人先文昌除目繫誰
在帝座固章得汝賢才氣似公當重寄睽違多感是
中年黃金臺上西山碧莫厭離觴碎玳筵

勅勒川南磧鹵西荒煙回望隔華夷哥書開府固英
特老范籌邊貴靖綬漢月流光清朔部陰風無力動
牙旗遙知別后相思夢秋鴈聲中第一詩

張夢卿惠奇石

一峰名曰秀華蓋改家物也謂
不已作詩以寫其真云

道人解種僞顏玉分供晴窻思渺然夢去恍為天姥
客潤餘猶帶鬱林煙夏雲翠聳耳形摸恠海日紅蒸腹
背鮮我自愛觀無巨細一拳嵩華墮吾前

考滿日言懷書呈侍講顯軒

三載區區簿領間癡牀老坐待循遷封章不到回
天筆躬稼終歸負郭田贏得虛名清議裏儘驚白髮
暮愁邊只應一片金鑾月似向衡門照獨偏

題李練師崇聖宮圖姚左丞索賦

滾滾勞生汨世緣練師獨得靜中傳一篇秋水忘言
處滿眼青山曝肯眠丹井流光傳大藥玉臺積翠倚
中天方蓬別有冷風鶴華表歸來又幾年

夏日謙集田氏林亭御史諸公留別

濕雲壓樹暮方塘雨洒層軒滿意涼四海交遊有今
夕一樽情話惜離觴夢驚紫禁煙花老醉盡佳人錦
瑟香老子興來情未已更催銀管按清商

聞丞相史公受開封之拜并引

昔鄧禹列侯特參大事晉公入覲重領名
司故韓愈拜章稱舊壓三司之貴雲臺圖
像獨端居諸將之先伏惟開府相公佐翊
勲高封拜寵數以今視昔前後略同養老

乞言典常尤異伏自傳聞之審不勝慶幸
之心敢綴荒蕪式伸頌禱前監察御史王
惲謹頓首啓上

台鼎春回極寵光初聞歡喜倒衣裳百官禮絕汾陽
拜炎運天開漢道昌義激忠精傾列辟坐調風雨會
中央此心久寄華亭鶴夢繞裴家綠野堂

御史秩滿日效樂天詩體書懷

人微每愧居清要祿厚常憂負素餐勁翮已翰鷹隼
健秋霜空落簡書寒寸心敢謂行身了世運弥深以
理觀三尺素琴中本靜又拖絃索向誰彈

上太保劉公詩 中統二年

閒雲出岫便從龍羽翼高於四皓功黃石有書開兩

漢黑頭無地避三公金輪散影連沙界太一浮光動
竹宮餅餌不妨聊尔耳人間桃李滿春風

山人

較來鐘鼎與山林得失何勞拊髀吟靜對清溪忘俗
慮醉逢漁父是知音滿梳華髮長年雪一片閒雲欲
兩心臨水幾堆黃落葉被風吹去任浮沉
王子行年四十餘幽潛心似糝中魚倦談時事便情
話靜盡靈襟信理書遇酒祇堪知味止愛吟誰暇計
才疎今冬處置行窩了種竹溪南有草廬

和郝子貞見贈之什兼餞舟行二首

情話滔滔不易量幾年閒處看人忙時清共樂林居
好理到能消客氣狂脫頰我撕成事遂論詩君乃起

予商布帆無恙秋風裏一棹煙波去渺茫
山人何苦住山城老雪堆門幾度平雅愛雲林無俗
態豈知塵土滿長纓薄田粗足充飢了裹俗無依奈
物輕三十年来老知己此回相送最關情

題韓通甫城南別業

翠竹連村映白沙橫崗回抱一川斜
插林多實長年樂棣萼留香盡日華
雲錦池邊看鴈序秋風門外任蜂衙
自憐獨鶴歸來晚夜夜林丘夢水涯

送子初宗兄出鎮關臺

飛翔方喜造朝班一表陳情動日邊
列郡剖符聊復爾中年分手倍淒然
兩鄉憶望三千里一席情親四十年
明日萱堂壽親處杏花紅點綠楊煙

登臨武堂

吏散公庭百慮衡來登臨武敞高情
唐風過陋留遺儉晉譎移民到健爭
千障壺山吟際晚一滹汾水眼中明
悠悠自愧沙鷗雪更道忘機意亦驚

唐山道中早發

時至元九年三月初九日自燕達冀上

沈壑橫空夜向分行穿林影認前村
夢殘旋逐車聲破犬因時牽馬足
奔長笑未容耕壠畝一官隨分報
君恩獨憐三載霜臺月空使流光
滿薊門

懷舊詩并序

至元九年二月十四日齊南劉漢卿出示
亡友王仲蔚詩軸三復之餘慨焉夙傷因
憶往年在東平時與仲蔚諸人暮春之初

會飲于宿城野務趙媪家凡三次歌酣盡
懽同會者六人明日仲蔚賦詩有楊柳青
旗連坐榻杏花春色過鄰牆之句殊為上
軒所賞明年仲蔚從事濟南幕府予亦西
歸淇上自是而不復相見秋七月聞仲蔚
病疽死歷下忽覩斯作令人又有短氣者
七年之間六客者止存并任與予三人耳
因為賦此以抒梗槩云

遺詩一讀已淒然王樹臨風墮眼前心擬酒寬終致
疾壽隨中止欲誰愆蜀州寄遠猶如昨伯道無兒更
可憐轉首惠連春草夢月明愁滿宿城煙

辛未歲除夕言懷

此月廿八日尚書省復併入中書省

杯盤草草具錫茶燈燼紅垂夜半華抵掌不憂歸愈
鬼住京空在老坡又素餐御史雖無補畫省除書有
抵差新故送迎長歲例春風明日又誰家

大暑

大地洪爐一氣蒸樓居臺處失高層庭柯葉靜風來
絕河漢陰斜氣未澄炎帝戲張千傘火老懷思抱五
湖水磬磬疲瘵無多力遽爾蒸騰恐未勝

挽王脩甫

時客死于燕君有燕都懷古詞內有恨
滿西山秋色之句至元元年在東平時
屢向余道

大梁東郡衛南鄘尊酒論文幾度逢少日才情驚小

杜中州人物惜元龍長歌老驥壺空缺秋色西山恨
更濃五十五年成底事一丘露草泣吟蛩

奉陪左丞張公尚書李公王學士徒單待

制赴趙禹卿觀稼之會偶得五十八字奉

林下一笑也脰肱三年

常杜城南尺五天草堂尊酒接歐韓晴雲望遠未方
秀高樹涼多露未乾臺館不煩題綠野林花時許覆
金鞍因君喚起婦田興夢到西溪舊釣壇

遊玉泉山

山腰一逕轉雲蘿照眼平湖漲碧波形勝左蟠遼海
速風烟還覺玉泉多自憐俗駕來連客急遣清樽散
浩歌笑拂岩花醉歸去山林鍾鼎兩蹉跎

書懷無簡陳節齋

羞將勲業鏡中看不為無魚動劍彈兩鬢揔隨霜簡
白寸心虛傍日華丹間中持論談何易事際操存衆
所難羨然山東陳按察龍光高射斗牛寒

題趙宣撫樊川山中雜詠

蒼崖如削靜烟霏中有高人住翠微夜鶴聽琴依蕙
帳曉泉和月落山扉一龕靜體炎涼理兩眼深明倚
伏機畢竟名高難以卧野猿偷褫芟荷衣

歸潛洞

眼冷朱門鶴蓋陰自開幽洞事幽尋飄蕭書劍三秦
客盤礴風雲萬里心竹澗度涼便夏永藥肉留暖愛
冬深何時為濯長纓土丹竈茶烟共一林

趙樊川

適安堂上趙樊川
擇勝棲心以樂全
神武門前拋組紱
終南山下買林泉
籟阜秋遠縈吟思
釀瓷春香引醉眼
洞口野雲遮已斷
不須重上武陵船

適安堂

草堂卜築近清溪
擬散襟顏似紫微
幽事相關常起
早老懷能遂任時
遠無心出岫和雲
卧有客過門盡
醉歸聞道黃家花
滿樹幾回扶杖到
斜暉

趙公泉

故侯植杖得新泉
寬鑿方池漲碧瀾
恐泛落花歸別
澗要傳清響入幽
彈竹根漱冷縈林
曲蔬圃澆餘到
藥欄已與山中留
故事一泓難着老
螭蟠

未央硯為趙明叔賦

萬瓦垂雲映碧虛
未央雙闕想雄圖
天荒地老千年
後玉潤金堅片月
孤微物偶因題誌
重鉉華留借筆
鋒濡一樽難洗興
云恨要發幽光賦
兩都

至元七年庚午奉陪憲臺諸公

闕下賀正口號

盤盤

帳殿敞彤庭

天仗宵嚴擁萬靈
玉筍東班分列辟

龍墀首拜認

前星煙蟠鰲柱
露吟袖樂泛仙音
近

御悔歲歲大酺

恩例溥自慙虛薄仰

皇高

贈相者陳士廉

我游都邑已三年無略匡時待罪愆有問試從陳子
決取徵還似客師賢宰師表未綱子絃紛半是墻間
客高下能公吏部銓兩眼羨渠明似鏡月評從此索
心先

為遼人劉信甫慶八秩之壽

素髮酡顏八秩春豹韜還是摠戎孫兩都喬木秋光
老滿座春風笑語溫膝下盡歡衣有彩人間無似壽
為尊須知善積餘嘉慶三世何妨是將門

同馬才卿暇日登昊天寺寶嚴塔有懷

高標直上跨蒼穹物外方知象教雄九陌市聲開曉
色兩都喬木動秋風遙怜漢馬屯湘渚安得長書附
去鴻寂歷村墟野煙外誰家簾幙夕陽紅

寄贈德長老

先府君無恙時嘗話河內德上人者系出
貴族享年最高行業極精嚴予以懷衛相
望每思以披覩為快迄未能也近弟誠甫
至自野王云德僧臘已丑今年百有一歲
起居飲食健若五六十人或問何術臻此
答云無有但休間心無放用耳性嗜杖所
依歸狀持有瑰異者平生樂從賢士大夫
遊無衲子氣象予聞而喜之豈墨名而儒

行者邪以韓文公有文暢澄觀之作因書
近體律詩簡寄西堂為它年林下一段閒
公案也

一條拄杖老龍鱗扶掖西堂百歲春方寸已明諸佛
果典刑還是定年人笑枯貝葉隨僧供未省緇衣化
洛塵我識阿師中所得溪光山色乃心身

至元己巳八月一日借馬才卿游聖安寺
滿馬京塵厭市喧捨鞍步入給孤園金鑄響泛松風
冷寶月光凝瑞像尊法觀交纏雙井閉兩花別是一
乾坤布金不是包桑計空抱危言吐復吞謂讀明昌
間郝侯完竹溪蔡無可等碑

院書懷簡胡負外應奉

束縛長纓領簿曹十年從事獨賢勞癡床坐久疑禪
榻老木風嚴瀉怒濤行路縱誇驄馬貴炬蓮何似玉
堂高一彈未就陽城草虛負秋空白錦毛

奉送

大丞相史公行臺河南時

用兵襄陽封衛國公

章政事副忽刺出附馬督視諸軍時至元

六年八月也

無勞繞帳插生犀威德江淮草木知唐室正諮裴出
將楚人休倚漢為池聘通

上國無非補節駐長洲果爾為三百年來常例在忍
令矛梨舞 嬰兒

寄陳按察慶甫

秋天寥落使星明光動山東百二城
三本有書天下計一樽為地故人情
九江虎渡非無術山東吏人聞公至
性性投劾告去故云漢節輪埋浪有聲
老我簿書三万卷幾時燒尾看雷轟

跋王內翰與木菴唱酬詩軸

木菴詩筆唐友暢一作老而妍心印多從吏部傳豹

管一窺連壁句月惚慵展碧雲篇風流豈落明昌後
真率當隨靖節有留取人間作遺像鬢絲禪榻話它

年

追挽歸潛劉先生

我自髧髻屢拜公執經親為發顛蒙道從伊洛傳心
學文擅韓歐振古風四海南山青未了一丘河水

窮泫然不為山陽笛老屋吟看落月空

繼張相言懷二首

山人蹤跡愧搜羅欲負蚪松學隱和散木分甘遺匠

石薦章誰擬動常何書義活計青鳧少曉鏡功名白

髮多好笑住京王御史一官羈滯半年過

獸思深處鳥虞羅人自人徒貴體和物有盛衰宜辯

早氣從舒憐奈時何眼前徑路黃間迅鏡裏功名白

髮多不只一杯澆醜磊茶烟禪榻儘經過和韻一松

和學隱

至元辛未冬仲廿四日夜五鼓夢衛南郊

行夢中得頷聯兩句既覺為是成之

春煙樓觀照堤沙夢裏郊行日未斜幾片雲陰無俗

態滿川桑柘有人家微茫仙境雙鳧客依約春風二月華興適正濃還喚覺一聲鷄唱揭簷牙

跋梁斗南先生無盡藏手軸

昇平豪富林泉主白髮歸來一幅巾世與士安籌國計誰云開府是辭臣江頭宮殿千門暗物外雲烟万古春休向諸郎訪遺事青山依舊是比鄰

叔良西歸秦中感而賦此

倦客京師半載過翻成西去柰秋何贊房燈影裁清

夜渭水春風已白波三虎自疑終致釋五噫從此不

須歌終南山色昭陵樹剩着新詩醉兩坡一作樂陵原上昭陵

恨不聯新詩

寄李和甫覓未央瓦研

好在終南李練師未央瓦研寄何時卧聞客舍三秋兩夢繞盡欄雙桂枝孤月正堪遮老眼片言聊復慰相思研磨縱對蛾眉秀中有漁陽萬馬馳

至元辛未秋八月廿八日同長老金灯義

方暨馮君用聶友超劉敬臣王仲通馬才

卿石壽之座主賈君叔良會飲于開泰之

丈室約各賦詩道蓋簪之歡因為賦此

陔殿秋煙老檜蒼春風合座捲吟觴爭傾底裏心能見不恡歌呼興更長風調摠翰常曲杜新詩驚絕碧雲湯人生無似新知樂安得車輪一夜方

壽徒單待制 至元八年九月十四日

靜盡紛華道義尊立朝今復見經綸論交最厚先君

契提誨終深賤子身世仰仲淹風雅在見耒元亮性
情真一杯滿意浮秋菊照映靈椿看玉麟

菊嘆

細菊宮傳笑壓金結根失所寂關心鶴欺力弱時未
啄草為藜荒日益侵寶檻移栽容獨秀秋香吟燃伴
孤斟朝未頓覺精神好似喜淵明為賞音

送臺掾趙明叔赴濟南迎侍母氏未燕

寤寐寔聞遠事承南陔詩裏二毛生悠悠望眼門廬
月戀戀春暉孝子情千里秋風吹去馱一天融樂羨
歸程三升紅窗殘年恨幸淚縱橫滿仲嬰一作零落
悲風泊滿纓

壽房祖 至元八年九月三日

山立揚休七尺身接人襟度玉能溫慶流淇水宗文
近恩洽諸房德義尊扶健不煩鳩刻杖承顏幸備彩
衣孫一枝留在霜前菊細燃清香入壽樽

送李尚書仲實叅知北京行省

遼左要荒節制備選材真得濟時賢拊循殊俗允宜
簡餉餉東兵貴有權軫慮可寬天北闡先聲應徹海
東邊碩慙知己謾馳嚮望入秋空鴈影翩

壽紹開外郎 十月十四日

襟期出處不多偏秀孕輪君六日先以義取交知己
最開談通俗見才全已將國計籌邊筭會見嘉謨
沃帝淵相對莫嗟頭共白歲寒心在老彌堅

繼高樞相韻贈禪師李玄暉

襟期一見若同袍束縛微官笑獨勞
方寸證明皆佛果大千起滅摠浮泡
馳聲絕藝君能辦汨世天刑我欲逃
坐拂天花閑家數凜然清興雪山高

送和之簽山東按察司事

四道山東事最繁按巡當猛亦宜寬
丘菑併在虛危分根窟深連魏博
間風彩儘承綸命重霜威何待栢
臺寒澄清快理征鞍去望絕崦山與歷山

餞參政楊公出鎮覃懷

十載嘉謨沃

帝聰人間桃李幾春風從今民事優游裏轉見
君恩顧盼中寵節我知如李晏救時人道似姚崇
洛陽三月春如畫剩着新詩醉仰嵩公廟堂名

送陳按察赴任山東

簡花霜落控孤應暫覲清揚俗慮澄
四道規模開漢制百城風彩望陳登
露盤虛警言青冥鶴朔吹驚翻白錦
鷹廻首相思定何處暮雲春樹憲王陵

贈羅徵君

風骨飄瀟到九還一壺天地市朝閑
神遊物表冲融際道在平生出處間
笑着割耳要擊鼎擬將忠直動龍顏
濟時好作商霖去未礙經年別故山

孟待制駕之哀辭

我識先生二十年當時過衛亦翩翩
遺文載稱聞三語一賦垂天笑八埤
幾日秋風汾水客一丘宿草茂陵阡
屋梁曉月驚無復西望今人一泫然

祭子襄先生

牛生隱德自崧立得號壙東四十秋結駟退慚知道
在詩壇吟苦入真搜眼中者宿有今日地下雷元是
舊遊幾卷閑書總惟底未容拈讀淚先流

寄贈總管韓君通甫暨弟君美兼簡公弼

良友

都門贈別柳條青分袂南來歲屢更三載愧陪驄馬
列久遠轉見故人情每吟夜榻聞風雨羨殺韋家好
弟兄蚤晚細傾燕市酒誨堂重醉棣花榮

哭馬孟州才鄉名甫相州人

栢臺歎晤儘三冬暇日未陪御史驄寺閣納涼恰畫
永野塘轟飲喜君同性情遠出機張外禍福真成倚

伏中至元乙亥濬州同知未滿中堂見召既至以事
阻是年秋復除孟州卒南還至邢病死壽四十一

久別已增懷抱惡與君終訣恨何窮

哀大都督史公名權中統初授
江淮大都督

陽夏移軍入鄧封指揮旌壘氣增雄優居將愷元多
算威攝荆蠻儘父風士樂死懷羊傳愛戰酣無大上
均功應麟十載龍驤業一勤臨江萬事空

題張府君墳丘舒構字人甫曾任

龍公祠下府君墳崗勢西來虎豹蹲翠琰盛傳千字
誄青衫還有讀書孫喬林氣鬱丘山重一水春涵德
澤溫白首故埃長健在緊湏着力大于門

姑射北僊洞予既為新道立石且會諸君
子明日大雪仲明賢良賦詩光賀因次嚴

韻以答佳貺

三年判府苦無聲自斷行藏付靜聽翠琰銀鈎留故
事白波青嶂繞螺亭一官自笑頭空白多士相看眼
倍青每謝新詩深慰藉不愁歸詫草堂靈

王衛州挽章公諱昂齡字頤之滄州人

堂堂大厦敞雲居偃植圓叔與藉抹六縣耕桑深道
愛百年魚水應時需望歸王儉風流慕我識鄮侯吏
隱儒河朔諸侯幾然佐愛君終始擅良圖

又

襟韻冲融器識先晚年風節見承宣經綸素抱調元
事綜覈長深作牧篇寒谷暖回衰日愛老天愁絕劍
門煙慙懃尚憶臨岐誨惆悵城南是別筵

哭交親州判李叔

洄溪一會乃死別送我西行淚滿襟四海從師有先
子半生急難是初心泉高不閔無兒感龍樹空瞻挂
劍林會擬並刊遺愛碣鄮城墓首御河深古鄮邑在
北一十五里與鄮別業相對公嘗云本潞之今州治東
五代間東徙居鄮唐將李抱貞之後既任潞州烏脩
治其碑墓

別盧漢臣

男兒出處要無慚一意公家性所甘吾子有才無不
可老夫於世本無堪痛連臂骨緣心苦耳變風聲阻
坐談劍佩趨庭君好去建章宮樹綠覃覃

挽杜止軒徵君

秦岱東蟠未了青文章公獨萃精英賦方便信才華

壯詩到樊川氣格清平日酒杯追散聖一生高節見
陳情風流想在齊梁席未讓鄒枚獨擅名

留別忽治中英甫

四年相待情偏厚千里分携恨若何別駕見淹時共
惜當官能處我尤多輩流自是青雲器金印行懸瑞
錦窠調古自知終寡和青天白眼望君歌

秋澗先生大全文集卷第十六

秋澗先生大全文集卷第十七

奉誄

大丞相忠武史公

贈太尉 韓林學士 勅撰神道碑

萬國鞭撻 帝庭堂堂爭識漢孤卿元勳高出麒麟
上曠度初無智勇聲儼景去翻鬣影駕柱天留在笏
端銘白頭無地酬知己痛為蒼生淚滿纓

追晚元遺山先生

文奎騰彩憶光臨孺子何知喜嗣音餘年許以時文

親為酬誄以所傳罪重以事不克至今微遺恨云

党趙正傳公固在陽秋當筆我奚任天機翻錦餘官

樣月戶量工更苦心野叟亭空遺事墜荒烟埋恨九

原深

哭賈叔良別駕

今夏書來墨尚新並冬誰料計音聞
看玉樹摧崕火空遺歌詩竊嶺雲氣會
可能鐘厄例天葩似靳吐奇芬拊膺慟
絕華顛母老泪如傾滿練裙

詩祭館丑謝捲管

老帥英威上將壇愛君雍雅戴儒冠
依依孺慕懷丘壘煦煦交情出肺腑
肝惡棘棲鸞終銀翮蜀江梁險失
驚湍傷心最是蒲中客馬首歸旌揭
素竿

參政楊公挽章

公墓在河南府甲城以事入路拜其下

天孫機杼五雲章籍理飄繡帝傍一札恩光慚賤
子子一命授翰林翰絕其詞頭蓋出公手有云行已
百年清議在中堂望隆鳳詔絲綸美吟繞瑞臺雪片

香欲吊風流俱寂寞滿丘秋草近宮牆

挽張笈省

原自平順齋老人中綿元年授太

漢庭冠劍擁羣雄曾建嘉謀次帝聰白筆剛稜驚
柱後繡衣風彩照河東鵬來近舍魄先禔麟出昌時
道未窮一掬西州門外淚不應悲絕獨羊公

留別總府諸公

超超天馬五花紋少日能空冀北群事梗不成旬月
雅材驚空抱四年勤情馳北闕煙花禁夢到西山日
暮雲一曲驪歌應恨別麒麟高閣摠殊勳

單學士挽章二首

生平才氣浩無雙彭蠡秋璉万里江庭議儘高
清禁月苦心終對玉堂缸百年世契先君厚万斛龍文筆

力在喜誨人曾不倦洪鐘無憚寸筵撞
時論生平愛賢縱橫條列果無前屈身為道思弘
濟遇事明言見惡圓常杜去天纔尺五衣冠埋恨便
千年遙憐晚起山齋意地下脩文恐浪然

和劉懷州詩韻

二月燕城氣未華添衣風起謔吹花背陰凝慘松猶
凍藉潤含媯草有芽得失正須論定分低回初不為
謀家長河有路通霄漢誰遣孤星滯客槎
在甫風埃老歲華羞將勳業照菱花暖催回鴈舒雲
翼寒勒幽蘭茁露芽嚼蠟窗情無少味轉逢身世不
知家客牕一夜江湖夢醉把長竿倚釣槎
蛛絲拂面喜生華照眼青燈夜有花雪屋苦吟饒客

思茶鐙寬煑試新芽一官除後三移次十夢春未九
到家遙想西溪墳下水碧翻瑤艷待浮槎

錢王全州二首

衛連鄘邶號交衝比屋休驚未可封鄉校廢耒風俗
壞野田闢後歲年凶租徭雖免離民衆官府全更宿
弊重新政慮未無此切正煩裁減與優容
二十年来舊使君又瞻皂蓋擁朱輪試評異政三五
果何以天姿兩漢循田里務從安靜子使軺誰計送
迎頻先聲洽久民情喜聽取隨車一雨春

同劉景融過西園懷古

錦摘西苑正隆脩大定明昌事讌遊海露恩波籠并
首花翻瑤艷雪迷樓三千歌舞繁華地一片風烟慘

淡愁只廢筭來無五紀至今靈沼詠西周

送高飛卿尹順德

朝家一革舊官空整整新除示至公善政擬超循吏
上寬恩樹 詔條中如君悃悃無虛譽所至弦歌有
實功馬首快驅紅旆去百泉花柳待春風那州亦有

用刘景融韵答客問

寂寂從教笑仲華羈懷坐老竹生花新除海隅無從
問高木春深恐有芽追逐昔賢慚下惠比量時輩愧
劉家方言倘作無聞去枉說張侯泛斗槎

西苑懷古和劉懷州景融韵

彩鳳簫聲徹曉聞宮墻烟柳接龍津月邊橫吹非清
夜鏡裏瓊華惣好春行殿基存焦作土踏雖舞歇草

留裊野花豈解興亡恨猶學宮粧一色勻

踏舞名
見景元所

錄金人
遺事

瓊苑韶筆自昔聞杜鵑聲裏過天津殿空魚藻山猶
碧水涵龍池草自春民樂尚歌身後曲弓彎不見舞
時茵絳挑誰植宮墻外露濕臙脂恨未勻

和虞帝廟帛古

分開幽野自虞分山海雄沉載厚坤玄德共瞻天北
極殿基空對苑西門蒼梧雲駕無從叫翠琰顏書固
可尊聞說興陵堪比德東風啼損杜鵑魂

和劉懷州韻

雨露中天日有華暖私幽圃亦多花事機不料先根
本顛木其能絕蘖芽老去戀時兼戀闕愁來憂國不

憂家幾多牛渚星邊客空望秋風八月槎

和高飛卿韻

錢郎滿腹好精神人物當年見絕塵長惜仕途知己
少不愁花樣入時新趙張而後材難繼季孟之間德
有鄰早晚青雲臺閣底揚何同作眼中人
春來百草解通神其奈凍風漲野塵一為化權無定
宰百般生意不能新柳含凍眼迷陶宅杏簇枯枝倚
宋隣和氣阻垂關治體仰空欲問待何人

別高屯田晦之

十年冠蓋幾相逢邂逅燕城燕喜同清賞已歌黎雪
白歸期休負牡丹紅千屯曉月鞭聲底一片田旌夕
照中自笑欲歸歸未得草堂無地着盧鴻

即席壽青陽學士

湖海秋風駐節頻北來猶似漢平津如公合得無期
壽笑我還充不速賓櫻筍厨香驚咄辦江山筆健老
能神玉堂未羨台階貴人道詞臣是重臣

和左山言懷韻

投獻王門匪自謀白駒雖白欲誰留鳥飛魚泳有常
分漏盡鐘鳴合少休老驥志存終伏櫪野人機靜不
驚鷗會依綠野堂邊隱一抹青山屋打頭

遊封龍北麓

行近龍峰已稱心栗留聲裏轉青林雨如散髮來無
際山侶幽人喜見臨樹密連崗橫遠障雲低隨馬布
輕陰鹿泉蓋薄何懇厚伴我幽尋上碧岑

中溪書院

幽尋不為愛山吟李相巖拙是賞音身世正堪閑處
着時情尤比嚮來深風烟物外開三觀塵土人間望
一霖山若有靈歆素禱滿泓寒碧代孤斟

贈知事劉大用

兩椽茅屋打頭低中有林丘翠作圍無限雲烟供落
墨揔從宵次發天機一枝湘竹臨江活万疊秦山照
眼霏疇昔過明清話以前身疑是米元暉

即事

旨王鹿菴作

徹備虛驚已可懲更堪行事日紛更創行有例推諸
老責備無端悚衆情遼海兵連思魏鄭延齡麻壞見
陽城窮愁正遠聞佳報喜動皇都豈席生

留別鎮陽諸公赴任濟南

梧桐葉上雨蕭蕭有侶留連助寂寥身世未容歸壠
晦羽毛誰欲見雲霄三年滹水人情好六月齊州去
路遙回首北潭花上月時應歸夢到蘭橈

經史總帥戰處

乾石橋邊野閭橫分圍曾列亞夫營雲烟眼底紫蛇
陳草木風前有戰聲故壘按行傷往事青山依舊繞
孤城千年帶礪河山誓輸與汾陽貫日誠

閔子墓

聖門姪德亞吾類季氏何知欲浼然三釜恐貽親老
恥一廛歸臥汝陽田山禽容與和聲裏墟墓蕭條落
葉邊兩下頽濱碑下拜滿杯秋菊薦寒泉

公堂言懷

勲業羞將鏡裏看
遭時自擬寸心丹
勉從仕版無微
巧硬着精神
博一官
寤枕夜長憂思悄
公堂人靜雪花寒
眼中少事能如意
管甚林梢又日殘

糟魚

霜刀截斷玉腴芳
暖貯銀罌釀粉漿
錦尾帶頰傳內
品金盤堆雪喜初嘗
解醒未減黃
柑美雋味能欺紫
蟹香一筋厭食餘
乘醉卧夢橫滄海
聽鳴柳

甲寅歲元日

癡絕何堪應事機
閑心思與野雲期
醜顏身世緣饑
凍覺老筋骸
強拄持馬怯力微
朝進處鳥知飛
倦暮
栖時日斜
凭暖烏皮几
靜看爐烟裊碧絲

挽杜止軒

貧樂能安貴不滯
百年瘦海寄浮沉
閑中今古資談
具物外江山助
醉吟風義見來先
急難文章拈出更
雄深追攀逸駕
嗟何及時向逃空得苦心

一代人文杜止軒
海翻鯨掣見詩仙
細吟風雅三千
首獨擅才名四十年
翩在不沉衝斗氣
神游多了住
山綠老天未覺斯文喪
齊魯諸生有正傳

挽孟德卿

龍驤東下破吳年
談笑從軍侶仲宣
亡國不驚三月
火捷書光動六朝
烟當時籌筆何英
發此日題詩倍
黯然湖海賢
即宜少慰光揚重
見葺遺編

和張鵬舉詩韻

誰分先覺與凡民天理中來一氣春肯効寒蟬啼月
苦放教宛馬到河神六經之外皆非學諸子已未宜
有人自嘆半生蟬蠹裏白頭無術動 嚴宸

和張仲常韻

強顏陳力媿周任閱盡當年得失林白首好看能幾
日虛舟相觸果何心行身誰是無瑕玉合志能裁躍
冶金退易進難吾道事此懷更比向來深

賦白舜俞多月亭

海岱東開迥地寬小亭千里入憑欄一軒風露金莖
濕滿地瓊瑤挂影寒兵北度樓瓦不淺飲豪舒杓肯
留殘使君未老風流在八表神遊夢彩鸞
何處人間不夜天月亭高倚月初圓玉壺光轉青冥

路桂影香浮畫棟烟一權蓬瀛知海近滿庭民蓮臺
秋偏素娥苦待停杯問愁絕當年李謫仙

遊佛首山開化寺至元卅一年四月八日

挈行者孫鞬郎

盤盤石磴轉蒼崖山侶青蓮四面開寺古說從兵後
廢官忙喜向靜中來半泓寒碧供僧飯一點烟螺認
佛臺我本婆娑林下客樹頭幽鳥莫驚猜

遊靈巖寺三首

行入山門已可吟葱朧佳樹揔幽尋氣分嶽秀開金
界鶴警陰魔護道林竹溜遠縈雲磴落烟螺濃並寺
巖深喚回三十年前夢此日登臨慰宿心

寺其形勢殿舍殆與此間不異

路轉峰回墮翠窠陽崖擁抱更嵯峨泉通碧澗來無
盡寺並青山永不磨林壑勝遊緣共適乾坤清氣與
詩多晚鐘但惜遊人去遠泛餘音遶澗阿

絕景亭高勝賞多杖藜到處即婆娑巖虛應磬聲長
發寺古題名字半訛幾樹幽葩明寶供滿空金色下
煙蘿何時暫謝人間事放眼雲巒入浩歌

送世傑郎中奉使雲南

節旄堅駐海西陲奮自陳湯一布衣朔雪不辭双鬢
老長纓直係六王歸恩波重浹滇池浪赤羽何勞漢
將威想得諸羌迎拜處使筆先動玉門扉

余按部奉高故人劉君之子持此詩來謂
感念疇昔已廿五年矣頌其希希札剋弊因

為重書以遺庶幾孝標憐西華之意云

漢栢詩

蒼栢無城擁漢陵闕宮遺樹鬱岢嶭崔嵬不植明堂
礎造化潛通岳頂靈萬壑烟霏扶傑榦半天風雨撼
秋聲白頭會見東封日照映鸞旂一色青

過沙溝店

高柳長塗送客吟暗驚時序變鳴禽清風破暑連三
日好雨依時抵萬金遠嶺抱村園野色行雲隨馬弄
輕陰搖鞭喜入肥城界桑柘陰濃麥浪深

長清官舍

十載隨人戴芻冠望離清秩寔多難一身許國無知

已万事関心空汗顔花樣况非時制巧功名宜為老
天慳季鷹何待秋風起一夜歸心滿故山

觀光三首十三年在都下作

漢家宮闈碧岩巖六合同來不待招非此詎能隆上
國有臣何幸際昌朝光連

帝極環玄象翠積中天仰鬱霄葵藿寸心深向恋日
華明處五雲嬌

大元

夫子壯陪京盡啟燕雲作苑城彩鳳應門千仗肅蒼
龍双闕五雲明千秋日月低宸極万国衣冠拜統絃
蟣亂小臣何所祝年年嵩嶽聽呼聲

長樂宮成薛宋庭紫微垣外紫烟生明昌受教真兒

劇洛邑營周是小成正朔一家堯曆日青山三面漢
金城 君王神武高千古緘口長沙建治平

壽鹿菴大學士三首十一月初一日

大節中流砥柱標高風孤振張吾曹眼中元老恩方
渥林下潤明氣本豪万事縱心緣理勝三峰當面與
秋高玉堂更覺台階重蓮炬長看照壽毫

陽春門裏開新第魚藻宮中侍講筵晚節不緣三徑
屈高風終愛五意賢雅懷老去從多可万事諳來愈
自然千古六經常道在就中能契是知權

風節生平以烈聞詞章獨與大蘇親天人重為斯父
主甲子洪開壽域春行草縱心書愈聖歌詩吟老語
彌真穆脩亦是華顛客肯把韓編付授頻

贈友人張彥魯并序

友人彥魯別余四年今歲秋有秦中之行
道出淇右時余亦北邁有期尊酒道旧為
數日留既而分岐就駕次日彥魯復追及
余於朝歌南遂偕與北上前次保塞逆旅
追念往事取不能寐為賦長詩以贈且傷
其會合之靡常歡樂之無幾也彥魯諱著
世遼東人

比邁南遊有定期半途回駕喜追隨心因年老便多
可馬信車前亦緩馳綠綺素深平日雅碧雲償及向
來思一樽逆旅燈前話莫忘燕垂抵足時

趙州石梁

華表亭亭擁石麟車書万里此通津天垂蟠螭卷千
尺月吐蟾蜍隱半輪片石鞭來能濟險大臣當用合
橫身征鞍歸路明年事一片春風柳色新

三臺懷古

萬古三臺作厲階漳流東注若為哀才教逆叛翔奴
去又得顛癡帝子來紫陌衣冠森鬼朴芳華林苑隨
兵埃夷姦不獨西陵樹首或穿窬止自裁

壽姚雪齋

散髻飄瀟玉局仙竹風松月共清圓雲閑正際商霖
後學奧能窺太極前瀛館龍光開壽域太平勲業在
經筵殷勤春雨堂前檜細綴冰花點翠妍

慶宋尹母八十壽

樹萱堂背已憂忘金粉蓮苞貯靜香風景四時藏秀
麗慈顏八袂見康強賦中潘岳閑昼樂詩裏燕山桂
子芳會看有羿宮戶底更勝陳氏配東牀

贈鄉先生逍遙子姓韓氏曾為尚書省都司

鶴 飄瀟玉鍊顏一壺天地市朝間集方有驗扶羸
劣野鳥知歸謝往還幽睡不妨紅日晚青山誰侶白
雲閑會當華表歸來日重為留題過故関

送裕鄉都司南還

前日翰林君送我今朝幽薊我辭君十年契闊九三
觀五月從游此重分世事有機難預料後期無恙要
相聞何時沁北丹東稼解絞歸來約共耘

任懷遠慶九十詩卷

未顏青鬢万金身九十康強是福人擺落世紛隨所
適棄遺家事見何親花香北渚盃盤具月滿南樓杖
屨頓更為武公歌壽德一溪淇水照秋筠北渚謂鎮

在時居鎮陽

挽揚春鄉先生諱為衛輝

山澤矐仙老使君十年談笑接多聞襟期自是羲皇
上肝膽初無楚越分冀此羣空逢伯樂斗南名重見
田文一丘宿草情何極凄斷無終日暮雲先生燕王

北山 王田東

寄壽博關趙總管

予方從事東平日君適分符濮水濱歲曆喜聞開九
秩客來爭說好精神背貽宛與龜紋秀面頰丹餘鶴

頂新特似麒麟圖上見形容全不老於真

壽平章張公時為副樞

十年黃閣富經綸落落蒼髯社稷身公道揀時仍此
在龍門歸譽見來新菊香已辨南豐供醜蟻無煩靖
節中壽席今年得佳語太平勲業在麒麟

送商台符赴行臺御史

器識沉明義外方青衫難屈校書行暫虛東閣郎君
位要聳南臺豸角霜八道風稜馳使節兩淮殘困是
維揚就中驄馬吾儕事匡正官邪寂大綱

病目書懷效樂天體

病眼平時視物疑更禁風火內交馳越蛙睥目將誰
怒駭淚傾珠盡日垂氣鬱方瞳昏暈鏡瘡連剛臉痛

磨錐愆愆伏枕三旬苦安得黃金刮膜鏹

送按察王煖卿之任建康三首

滿移投上謝癡床五郡河湟作省郎白筆吟搔瓜步
月綠橙香烈洞庭霜虛懷正切平時慮達變終垂後
代芳我老壯心猶未已彈冠端有羨王陽

十年臺省共翔機識沉雄義外方金部喜酬平昔
志綠橙香動夜未霜老懷雅有思深慮世故何憂事
過防眼看澄清開八道就中風動自丹陽

五郡河湟已有聲繡衣直指又煩卿恩寬注意矜新
附物衆於中慮孽萌牛渚犀燃防過察吳江霜落要
維清行司此去尤堪喜地爽山高眼倍明

送李敬之按察淮東

遼陽三載淹廳幕并府終年貳鐵官桃李門庭慙自
致冰霜肝膽見來寒摧姦老手監司舊復業遺穉莫
枕安想得桐淮東畔月清光先照使君鞍

送馮壽卿簽事

小邑鳴絃踰兩考外臺簽事是榮迂未妨躡足青雲
後已著先聲白鴈前三世名家遺直在百城新附望
恩偏銀鞞莫緩青驄去野鴛羣飛正刺天

寄子初提刑自陝西改授行臺中丞治揚州

監司西去無三月建節東還路八千仕宦得
君無重地澄清有路是瞻天霜封淮甸妖氛靜春入
瓊華老樹妍一策想能康濟了儘堪歸隱百門烟

目疾自警效樂天體

目手相須取切身連宵慘痛可傷神老緣貪得書成
崇壯為傷多酒入唇四大假來皆是苦萬緣急遣亦
忘真悠悠未了三千牘束置從今不要親

寄梁幹臣簽事

滿移未貢別癡床去作襄州省幕郎迂拜摠緣才力
致激揚尤稱老懷剛離情轉惡中年別羨鬚相望兩
鏡霜每度思君傷馬南漳州南望白雲長

壽趙同簽九月廿五日

丙年正月下江東榮拜人驚此日同破竹固成王濬
手侍謀多見茂先功松形秀並眉毫健軍務能開世
道公壽席今年更堪賀廟宮修治越裝空

送劉侍御

超騰高品數年間才刃恢恢顧不難百越遠開炎漢
域兩淮爭識惠父冠犀燃牛渚魚龍慘霜落員江草
樹寒成事自來輸有志不教勳業鏡中看

雨聲

滴破寒更韻未諧芭蕉未了更空階
嗚籬響絕打東佩入耳愁生索寞懷孤竦
有舟添夜話殘燈無燄取幽齋憑君瀉
入瑤琴曲並與秋風洛水排

夢焦懿事

在一官署論余除授於某官

前十月十一日夜

神交初不聞幽明夢裏相看儼若生
碩接宛同蘭香日爲揚猶重故人情
楓林魂黯人何在落月梁空思未平
枕上兩行知已淚覺來揮却又縱橫

送甯端甫宣慰東平

瀟灑風神見德隅走趨知不利長裾老諳所事無多
味却覺閑官是美除恩詔纔離溫室樹甘霖先沛
泰山壘憲陵山色溪堂月剩有詩來當尺書

送杜時舉歸平陽

卽載河東頗聞人愛君能靜復能貧一朝夜兩韋郎
話滿眼睛雲玉壘春未分風塵潦駿足不妨翹葉暫
謀身因君西邁增余興兩夜青山入夢頻

哭張總判行甫并序


公諱儵北燕人姓張氏字行甫姿蘊藉好
賓客官至平陽府判官詩所謂愷悌君子
民之父母者也家藏書數千卷後以累落

職年五十有七終于家晚築龍祠別墅溪
風松月境趣瀟洒酒壚茶竈筆牀釣具有
幽居草堂之樂至元壬申余官冀府暇日
與君徜徉其間者蓋三年于茲醉山頭之
落照起舞鳴歌弄茂蔭之清泉沙鷗靜玩
追思往事傷如之何爰作悲歌庶賡雅露
其詞曰

酒病人看指日瘳扣床辭別到弥留歸軒東下才期
月哀訃聞來已兩秋白壁冷埋泉壤闕黃壚不隔暮
山稠分明昨夜龍祠夢醉卧藤陰唱石州君善歌石
婆娑杖屨桂叢幽長恐山中識故侯野竹揆書黃石
在菊香浮薤草堂秋一作蒲薤秋香陶於宦清瀟洒

陶彭澤老境浮沉馬少遊何日下車傾腹痛春風吹
淚拜林丘

秋澗先生大全文集卷第十七





秋澗先生大全文集卷第十八

七言律詩

哭節齋陳公五詩時為浙東宣慰使按行

山群盜被害年五十月有六至元璋五歲九月七日事也

夷門樽酒罄平生誰料終凶在此行
顛髮有靈通帝夢越戈無識斷由纓
救時譽在何多得憂道思深耻
近名南望兩行知已浹西風吹却又縱橫

笑談鞍馬最從容遠自南陽到洛中
廷議有方先大節丹心無間摠清忠
餘人老去初何惜四海經綸共望公
向日下車傾腹痛喬玄林墓哭秋風

德音宣暢介鱗露遠調曾辭瘴海炎寒谷
變春方燠休會沙窺影已陰潛峰摧天柱山
雖壞桂折秋風氣陔嚴伸雪絳冤誰有疏吞
聲空向九天瞻燠燠一作燠

喻反休虛痛而念之也若晏子曰民人痛疾而或煥
之眠虛云痛而念之也若晏子曰民人痛疾而或煥
痛也其

盛氣橫收蓋代勲揮摩旌壘張吾軍乘時孰計利不
利為善但憂聞未聞千里魂歸閑塞黑百年情在死
生分臨風痛瀉長河淚灑斷江東日暮雲

惡棘梟鷹苦未分挺身東下擬鱸吞義酣不信雄軀
慘死守庶酬君父恩寬碧意疑東粵血大招空返
北邙魂恢恢三本遺書在儘是君侯不歿存

壽繼先侍御

幘幘雲屢鬱雄沉偃植圓叔力儘任持重要端風憲
本耐交尤見歲寒心望隆北海螭蟠譽思入南陔孝
養吟漏泄光風來獻壽綠萱春滿北堂陰

送劉侍御分司上都兼呈中丞

何者功名是丈夫細思初不外民區油油雲葉從中
合盼盼群情待一蘇造命豈容論氣數當言能盡是
雄圖

聖恩思治方宵旰幾問南薰解愠無

題鳳山逸叟王明甫八秩手卷二子長桓字巨川為

旭州尹汝曰構字肯堂今為翰林應奉

一府名香二十年鳳山歸作地行仙由來和氣薰陶
久不獨天彝秉受全扶健漢更鳩有杖伴吟清獻鶴
隨肩更憐五馬鑿坡貴併領春風上壽筵

杜李明表凡史千載南還荆門索同賦為
餞謹書三詩以贈杜時任中書省左右司

秀並岷峨萬仞青憶初載酒子雲亭幾年江渚悲鴻
鴈一日沙堤詠鵲鴦共被再融荆樹樂還家不愧草
堂靈中郎儘擅平津閣未分歸槎老客星

干戈漂泊中年後，邂逅相看抵萬金。
風景儘收孤客淚，江山何限故園心。
客名家尤是杜陵，冷眼中，棣萼春仍好。
林下詩盟喜重尋，南去瘴江無少阻。
平安休復到家音。

吟看錦水東遊日，望入停雲北上時。
憶弟遠衝燕地雪，聯芳未賦棣華詩。
風塵拋擲青萍劍，一作情思，出黃金，
去路留連白玉卮。歸到荆門霜尚晚，月明江樹影參差。

張提刑子敬挽章

至元十五年六月十五日卒在河南時作塞上曲云

對月笛中起，然傷我情，秋風一萬里。
對向笛中生，漢軍士掩淚下邊城。
攬轡南來擬拜君，逢人忍以訃音聞。
揀焚有志遺深愛，博物何心泥款文。
卿月儘輝丞相府，史評當策竹書勲。
不須更聽西風笛，愁滿西山日暮雲。
深愛為北

中時曾梓後軀
戶三百餘家

詩寄李明郎中

中書機務日紛紛，海寓披圖萬國賓。
善斷獨高如晦策，名家復見杜陵人。
遙隣綠水紅蓮地，滿意清江玉壘春。
正有採時心，寂切更須根本細經綸。

暇日登飛仙休逸二臺

老圃莖荒草棘深，魏公德業古猶今。
望隆異代瞻儀鳳，錦爛輕裘憶細吟。
隴陌按行餘利澤，山川包摠見雄襟。
禽鳥知愛如相語，隔葉時聞送好音。

詩寄劉清卿都事

朋簪纒盍脫荷囊，蘭到升庭見獨芳。
羲幕夜書稱快吏，冰壺孤抱映秋霜。
十年紫禁烟花近，四海金華姓

三八
卷十八
三

字香南北相望固迢遞久要情在恐難忘

秋日早衙示同僚闈簽事子靖

憲府覃覃尺五天按臨八道儘繩愆乘時佐理踈明
略攬轡澄清愧昔賢寬固可稱頌有制事唯無諛乃
能全所行果計無尸素放執能安一女朕

慶趙仲器母八秩

遐壽能康世所稀滿前蘭玉更熙熙氣冲自得豐長
稟德厚能高九十儀秋月簾籠來婺彩春風蟾背看
彤芝蕪城勝事今誰敢聽取共崑介社詩

椰實詩宣慰高飛卿開宴出示此菓邀諸
君賦詩西溪首唱僕乃賡焉

坡僊帖裏藹餘馨炎帝圖經見典刑辨削異樽陪北

海暖包香霧自南滇摩挲枵腹疑藤瘦雋永天漿勝
楚萍吾子好竒時引飲沙頭閑却玉雙鉞

寄參政相公

不覲清揚近一年依依情在鳳池邊碧雲思遠餘千
里紅藥階深有二天兒輩初宦僇好爵寵光露喜動
重泉白頭無計疇知已會有文章見簡編

和西溪韻送良弼提刑赴憲臺之召

拳拳幾御大賢車桐張平葦張左氣量弘深見步趨

望重正煩天下計人和愛及屋頭烏百年笑我遽如
許一日佶君其可無雅俗自來推坐鎮簡花奚待筆

端區

百城方聳使君車遽應旌招內殿趨儀羽望清初振

鷺栢臺陰肅已翔鳥人材輩向朝中列天下看來一
事無數路清寧固佳政經綸何似被綿區

南來和氣擁轎車佩玉長裾利走趨阿閣再鳴瞻彩
鳳月明三匝笑驚鳥事機應運深還淺才氣多君有
若無輿論功名果何在此心初不外民區

送李士觀還壽春莫府并序

士觀友愛來辭促膝道舊眷眷有不能別
者仍以親老地遠佳眠食是祝士觀請即
此為贈因率尔賦焉見合肥王尹立夫為
寄聲兼達茲懇云至元已外重午前三日
也

去年首夏別燕城今歲清和會返京相顧鬢顏成老

醜不緣貧富異交情春蘭句好香生席歸路舟輕月
滿旌地接兩淮終瘴濕身安之外揔虛名

挽禮部丁公郎中

荀班出佩紫荷囊漢署當年列鴈行學古不圓平日
守德方誰侶老來剛眼中耆舊雲烟盡身後詩書坎
掩香臺閣清風有餘凜一丘埋恨吹臺傍

相下送舍弟之官鄧鄙時為竹監使

十五年中三聚首一千里外兩相望春風卹址重分
袂夜雨漳南喜對床雲路暫淹騏驎足江沙晴護鵲
鳩霜公餘正要加餐飯陽武同宗只二房

舍弟仲略生朝

十六年巳卯五月廿一
時寓史開府宅

江漢堂深畫景妍亭亭花影舞胎僊一樽此夕歌鴻

鴈滿意薰風醉管弦遺業繼承心共切此身加健壽
為先飄零南土初無定正要相看隸萼偏

送千秋都司任密州諸城令

竊效贈言代
書囊素

梁苑相逢傾蓋初照入秋水出芙蓉應憐世事方多
故却恐微官是美除處已道方何喜温濟時舌在俛
舒徐下車莫後神明政建幕瞻烏待報書

至元十六年歲在己卯四月十一日偕大

同郭天錫祐之次梁劉衝漢卿天堂李昌

齡千秋遊內梁門西大佛寺寺即宋寶相

院也主僧郭里又臘七十餘相與會堂東

丈室坐間話文字及壬辰歲京城警嚴令

人慨嘆久之祐之為放聲長歌劉起浮大

白者數行懷仰之思渙焉冰釋然後知盛
衰之不恒哀樂之無端也開口而笑頰何
厭焉遂留題而去侍行者安陽楊謹義甫
帝城何處散春陰花木禪房一逕通共訝殘僧談世
故却憐閒燕得諸公風雲心事誰能了歡樂朋從豈
易逢聽徹清吟歸路晚金明池沼夕陽紅

山陽偶與大繼長相遇自辛亥年相別至
今廿八年矣追念疇昔作詩為贈

解鞍林下振清埃懷抱樽前得好開白髮滿頭心事在

青山當眼故人來風流自有高賢識感慨還深漂母
哀讀盡深香轉蕭爽清吟不到伯倫臺

深香係繼長
父宜之文集

號曰深香閑適乎此行
本擬遊百岳不果故云

漢東陽武太守臧公廟

袁曹形勢兩鳴泉趣嚮終非翊獻朝敵血正圖扶漢
鼎殺身何獨為張超荒城草闢遺壇在喬水風高烈
氣飄琳也為思名節正有書明正苦相招

太守劉景融之任滑臺索詩謹書此為贈

十年錦帶佩吳鉤曾翼龍驤控上游平日諸軍矜雅
厚老來五馬更風流官游喜在西溪部閑讌欣同畫
舫秋歸鴈亭前問遺俗遲回初不為詩留

信察判士達來辭旨贈言為榮因書此旨
送且見余之僚行云

常憶終軍英妙年此時頭角見嶢然百城望重非輕
責六品除新寔羨遷姦弊得情矜勿喜事機到手簡

為先河東說是懷思地未礙蘇章有二天

賦湖石得於汴梁

萃陽萬石說卿雲族聚支分此遠孫疊嶂秀來雖掩
靄孤峰崛起更雄尊轉翻蒼背鱗猶動侍近紅雲色
尚溫覺我露堂光景麗洞庭秋氣鬱吟樽

和士觀見贈詩韻

鴻飛鷺散聚無時偶喜歸來共一池世路何心論薄
宦燈牕同業憶深資但教白壁無微玷問甚青雲有
素期却恐桐淮淮上月清光長使照睽離

春露堂三首

今年卜築露堂春頰覺吾廬發興新書帙盛陳欣有
託燕巢不定伯嫌貧花枝照眼開還好竹樹當軒植

漸勻朝日兩竿濃睡覺不妨門外即囂塵
詩書莫樂得新聞不羨軒車日過門薄宦到頭終外
物一閑入手是寬恩東山不厭蒼生望北海羞靈綠
蟻搏花草滿庭從爛熳取憂當路種蘭蓀
貧家營構不容常五十年來自此堂春露榜題應有
在慈親疑慕誰能忘華滋濡濕趨庭颺風彩依稀隨
目傍我老自強觀志行泫然流涕撫青箱

送何參政北上

世事雲翻不易裁君侯真是濟時材若論經制明公
道儘足扶持是憲臺霖雨終期賢相在秋風聊應鶴
書來草節亦有雲霄望執法清光接上台

幹臣周君邂逅淇上作

燈燼紅垂綴玉蟲鵲聲傳喜下霜空故人遠自京所
至青眼依然白髮同道在固常忘勢重官清還役坐
詩窮章章久說襄城政早晚褒書示至公

鄉人魏先生家藏樂天神一軸作二像對
立一則五十時容一則六旬後真也上有

樂夫自贊別稱為蓬婆仙云卅年前屢

獲瞻拜近讀公長慶集偶記此畫為訪問

云已磨滅久矣遂作詩吊蓬婆洛南地

魏家一軸樂天神三十年前繪色新欲就醉吟師格
律試尋縑素墮埃塵空留池上山中詠謾應花前月
下身官品文章吾敢覲伯公真樂老能親

嘉禾篇并序

乙酉歲九月衛之南郊獲稼得嘉禾一莖
九穗和之至也田主李縣丞特以示余累
累秀結小大連比誠可異也人用餘味忻

沐曷已作嘉禾篇重陽后二日序

天地深恩雨露零嘉禾還自氣和生九秋灑英團孤
秀一穗功夫到九成太史書年同合穎漢庭稱瑞比
連莖表章莫後丹青賀人道豐穰是太平

種玉亭

蘇子方宣慰有
詩因擬作三首

昆明雲錦厭九材玉井移根手自栽不着詩仙分寶
供誰携仙子下瑤臺留連夜月娟娟淨披拂薰風細
細開不用葉浮滄海去芙蓉城闕有蓬萊
靈沼雲深寶氣存素醞一夕發芳根烟中髣髴溪娘

語波面輕盈越女魂江月借粧增皓彩露華和脣貯
芳温夜深更待瑤環供細挹秋香共一樽

休誇幻術有仙翁人定端能勝化工淑女固應歌窈
窕芳根元自雪玲瓏秋香入戶搖江羽羅襪凌波遶
漢宮莫訝西風吹易散世間聲色本來空

西村二詩

兩月秋霖不出門今朝騎馬到西村高空氣肅雲歸
壑老樹風多葉擁根謾說田園宜野隱爭趨朝市羨
時奔古人大抵崇高節飢凍當時所不論

秋來涇潦擁柴門兩月幽棲不到村野鳥伴畊荆水
涵寒蟲催織繞籬根有生未免憂饑凍舉世其能息
競奔仕不力任閑不足一生心苦欲誰論

桃花菊四首 一名烟脂紅

淡洒明妃寄露葩，換根非為貯丹砂。黃輕白碎空多
種，碧爛紅鮮自一家。騷客賦詩吟晚節，野人修譜是
頭花。九秋霜露無情甚，時約行雲護彩霞。
為厭秋容慘澹，天故將濃艷發清妍。烟霜輕拂吳姬
面，丹臉能回白帝權。寄傲儘凌青女肅，開粧宜刺繡
衣。鮮留連寂是東籬，蝶細繞芳叢兩翅翾。
容色風流操潔蠟，一枝紅雪秀霜天。氣凌金井攔干
曲，香在紅鸞扇影邊。塞上關氏疑夜紫，月中仙子怨
秋偏。少陵若遇情增重，肯數重岩細葉圓。
葉細枝柔巧剪裁，丹砂濃抹入纖荑。朱顏肯逐劉郎
老，紅影晴圍葛井開。慘淡秋容空野圃，飄飄風露際

天台晚涼更覺清香異，不厭芳叢百匝來。

苦雨

乙酉歲入秋已來不過二日嘗雨
如此者已三月矣九月十六日

雲陰交會日長昏，老雨瀟瀟書掩門。秋氣儘悲騷客
志，草堂空在少陵樽。龍光薜蔓滋多碧，蕪沒蘭蓀作
少恩。坐聽寒聲萬家裏，幾家繒纈有冬溫。

晴明無幾日朝隴，雲不容同霧雨淒。便着長風開白
日，已令后土污黃泥。吟翻幽壑潛蛟舞，濕鎖喬林健
鶻棲。萬象沉沉水北底，幾時高樹看晴霓。

火鳥翅濕日脚昏，雨中跳蛙亂登門。少陵悲嘆禾穗
黑，元亮獨酌愁空樽。氣惟協中乃成歲，事至靈溢將
傷恩。詩人吟詠何所補，笑藝鑪火回春溫。

與諸君會飲中作

驚寒從來策不前畏涂有戒莫爭先但隨白傳看花
約宜信淵明止酒篇人笑苦吟踈巧宦天教多病護
殘年老夫歲暮歡雖鮮每對諸君一粲然

赴趙子儀飲會

忠烈祠前是舊盟一樽重約就門傾但成把臂論交
飲也勝拖泥帶水行樂事不應須節叙賞心寂愜是
閑情一秋霖兩朝來雲此會當題作喜晴

秋懷

醉頭扶起日三竿掃罷幽軒到藥欄傍架整齊書帙
亂繞籬料理菊枝殘日融虛閣留餘暖雨積高空促
早寒處置身心閑裏過不將勲業鏡中看
老去逢秋強作懷莫教閑惱上心來人情寡味隨年

薄世事無端觸境開東閣謾傳梅信好西風時送鴈
聲哀客來茶罷無多話共趁秋陽曝背乾

吊王提舉柔克

乙酉九月廿四日
自經關王廟內

驚看神色自今秋奄奄殘魂到鬼幽叢薄未霜猶足
蔽事機已露欲誰尤百方作計難為地一意長歸是
徹頭昨日寢門臨吊颯兩行衰淚不容流

前年除目儘多門獨喜南來弄竹孫入手固知餘利
孔刺頭何苦入膠盆海鷗枉訝多機客楚些難招不
吊魂漢壽祠前重回首短筇猶想立黃昏

悠悠末路謀生苦攘攘羣奔為利來薄宦得勝閑裏
過畏涂合嚮冗時回誰知竹實療飢鳳却交錢神作
禍胎我老不堪多感愴一污還為素絲哀

憶初同舍在共城短小於中取幹精取舍近看臨老
節鋪謀全異早年情舌端雄辨堪排難霜後寒蟬了
不鳴重念人生生可貴世間万事一毫輕
南來作監無多事舉手差池便兩分細論是非俱有
說大綱向背不同羣以身死事從來有為貨輕生古
罕聞不獨衆傷非正命秋空低處有愁雲

謝道人惠竹

春露堂成戶牖空閑截無物禦深冬長梢來覓筠溪
種祥祉思憑道蔭功清泛細香添瓦鼎靜連秋月想
烟叢夜來帟帳梅花夢已在融融和氣中

筠溪軒詩卷補亡

筠溪旧有亭甚雅往年為秋潦所圯亭與

詩卷俱波蕩不存今歲冬來趁紫微道者
正余詩將欲補亡且致重構之意仍為賦
此中間飲客蓋廿八年前同遊者侍臣陳
季淵奉使輦煥然河平牧今右丞史晉明
禮部尚書王子勉侍御史雷彥正與不肖
紫微道者威儀社大用也時乙酉十月廿

一日

重到筠溪二十年眼中風物頗蕭然震旌尚憶經行
處八客同來作飲仙露濕雲捎回曉翠月明瑤圃澹
秋烟道人說是潛珍客更看飛檐挿碧淵

慶雲鸚鵡杯

桂魄淪精貯海波神光分秀入紅螺
卿霏護暖圍蒼

腹丹喙嫌寒縮翠窠縱飲雅當豪客意垂雲無復綠
衣歌一搏細浥江山筆夢到芳洲碧草多

鸚鵡螺

翠衿紅紫漫多知不覺流形入化機博斷隴雲迷舊
宿潤涵炎海有餘輝酒波碧飲珠還浦螺女棲深玉
作圍昨日玳筵揮飲處故令歌緩恐鷺飛
自嘆明言出更難奮形飛入巨螺間中空蜃吐潛珍
羽外示文明變炳彫春釀儘供身後樂雕籠全勝向
來閑深戲且莫輕為用合浦珠神有往還
何年犀火採螺江一竅重開混沌蒼解語已迷青鳥
使幽昼渾是雪衣娘海苔暈碧猶露濕慧舌能嬌自
閉截莫遺繡簾明月入湘妃窺伺恐携將

龐鳥何年別故山珠房深鎖雪衣閑調音厭落佳人
後勸飲來陪狎客間山鬼吹燈驚恠供春風浮酒張
蒼灣與來一吸三江盡醉入無何肯易遠肯易一作

作徑

飛潛相化理堪驚老蚌還成隴鳥形鱷吸侶憐唐相
飲江沉應笑屈原醒坡陀海露神龜窟激灩波翻竹
葉馨我老探奇心尚在醉來歸夢繞螺亭

隴禽辨惠世同誇何事將身學海蝸江月洞空珠有
淚鄉雲覆體玉生花回天不入深宮夢樂聖欣歸左
相家長憶郡樓初飲處頓令觥掌失光華管元平隲

時監郡邀余飲白雲樓上出
此器勸客余初見之故云

札刺解繚事官系出

中朝勳族憲讀善溫雅尚禮樂與賢士夫
相接過衛來訪懇厚之意無以相答謹作
是詩為贈且見夫妙齡英發之氣云

赫赫金張奕葉崇濟時還屬黑頭公讀書志在諸君
右奉命名高盡省風一札恩光寬大裏八州刑

憲笑談中

皇家求治如飢渴冀後當朝補疲功

餞王倅北行

邙衛從來八達衢三年不易貳為車一官聊爾開公
道四海能行即丈夫花外驛亭留故事日邊消息聽
新除諸君若問民間治最重無輕是使符

壽鄉兄君王評事

七十平頭鬢未毛父將家事付兒曹心便教子初無
惜日喜延賓不厭勞花木漸成林下趣襟期猶是邑
中豪年年櫻筍堂前客常對珍珠滴小槽

送從事李庭王北上

邙衛從來四達衢三年不易曳長裾持心有道清廉
在遇事能方長厚錄入幕不知王儉客携行惟見恕
軒書揚清激濁朝家事不信銓曹止舊除

秋攔四詠為仲略弟皆有和章時丁亥秋季
也

宜男

松菊庭前草半蕪幽花含笑發春腴暖面堂皆孤根
秀盡出宮池百子圖泥露冷搖金鳳淡翻香重上鬚

雲鳥怡然坐對忘憂外披拂餘芳任蝶鬚

寒菊

三徑歸來已就荒更堪風雨過重陽
但憐楚些清吟苦留在寒花晚節香
黃蝶有情時見過綠樽無酒淡
相忘瀟條五柳門前路何處斜川接醉鄉

秋蝶

舞因春光與未窮又將心事戲秋風
凌晨趁暖翻朝煦薄暮栖香入菊叢
幾夜留連迷曉夢誰家圖寫出
深宮翩然不逐韶華老飛過畫欄西復東

薔薇

葉下亭臯百卉空秋陽分暖發春華
重滋芳露供坡墨兩見嬌黃出漢宮
要伴紫荊昌晚節肯容鮮菊擅

西風結根得所元來盛及物為祥恐未公

謝趙主簿惠古餅

貯藏元氣悶重泉土量苔滋碧頰圓
袴腹戒貪體兩餐佳城見日定千年
茂陵神盆知金重銅爵澄泥比玉堅
聞說插花多結實露堂從此得春先

上巳日禊飲林氏花園

舍弟冲略首唱

臘蟻香浮金巨羅一聲清籟過雲歌
千年盛節稱元已四座佳賓到永和
曲水風流清只在茂林依約綠陰多
柳圈儘帶餘徼去未礙花枝照鬢皤

和韻三首

朋盍華簪擁佩羅秉蘭聽我醉時歌
柳圈泛灑風漪去樂事追隨獻歲和
座近綠陰花氣重步携紅袖野

吟多杯行到手須沉醉六客樽前我敢睡
春晚衡門厭雀羅臨流來詠舞雩歌喜從多士明鄉
飲迹此春風扇物和林下幽香蘭草暗樹頭乘暖野
禽多楊花也惜芳遊散糝乱溪橋住雪皚
麗日晴川艷綺羅琵琶聲趁紫蘭歌衣冠盛集有今
日花柳春風覺太和闔郡浮觴從此始百壺載酒未
為多醉歸扶路人爭看亦道花枝笑鬢皤

喜雨

丁亥歲三月十四日晨起露氣甚潤疑日
為雨兆是夜雨大作至明日晌午方霽後
二日即立夏四月節時頗旱故有此作
一氣先驅玉露灑夢驚簷溜曉淋浪洗開塵障千山

靜釀出春風百草香人變曠憂為燕喜咸因時歎作
金穰兩孟糲飯朝飢了從仕居閑總未妨

題雪堂雅集圖

擾擾王城若箇閑禪房來結靜中緣機鋒為愛靈師
峻樽酒同傾繡佛前談塵風清穿月窟兩花香細颺
茶烟應慚十九人中列開卷題詩又五年

瑞麥

農使苟在甫過邯鄲得麥一莖九穗蓋未
之見也作詩以紀其祥是年司農司復立
一依已行條格丁亥歲夏五月也

麥秀從來說兩岐連枝九穗若為奇物關極數知陽
盛人飲天和樂歲宜同頌並歌唐叔稼駢莖休頌漢

房芝天心作喜農復一札
恩光揔舊規

秋風如水聲

丁亥歲六月十九日酉正二刻得秋是夜

聞秋風自東北來如大水將至

靜觀天運儘孚誠一夜秋風似水聲志士聽來心未
穩客牕聞處夢先驚物華披拂爭含實鷹隼憑凌想
迅征常笑晉人無遠用扁舟東下為尊羹

遊白茆寺

為愛西山欲徧經春風吹馬上稜層千章古木偃崖
寺一點清光守障燈石磴題名留故事松陰移榻對
殘僧婆娑最樂雙泉水潤入高峰露氣凝

歌器詩三首并序

昨飲韓進道家坐間出歌器勸酒暮歸醉
卧既醒夜四更試作二詩吹燈起書覺筆
端甚來之易也投筆就枕復得一詩似勝
前作明日示弟忱請行下合属即為先和
也

神物誰移代酒船轉懸金解兩楹間纔中便得居安
理稍溢還成覆水艱魯廟橫陳猶賜寶金鑿揮洒憶
朝班汪然能起鯨吞與鸚鵡為螺恐厚顏
卿雲垂彩捧宗彝終日持盈伴狄儀滿斟醪波浮滌
蟻兩椿春色上脩眉致恭幸奉神明器勸飲休誇金
曲危抖擻宿醒還頓悟此心纔倚便惟危
几杖槃盂揔有箴古人垂戒一何深以漿為酒雖無

量覆水藏機恐過斟魯奠兩楹朝復暮崖州一賦古
猶今儼然頓獲神明觀長記春風拜孔林

賀介甫提刑得雅

海中仙菓自珍奇莫訝秋風得子遲
瓠哲定輸陳氏子蘭芽休咤馬家兒
蒼蒼有道旌遺直繼繼無窮見
孝思湯餅筵前最忻喜若親時抱說
含飴

成耀卿以所釀酒相餉走驛詩為謝

玉色芳温已可憐白衣持送敬中仙
周書盛說神明齊楚誦休誇桂酒玄
光透銀觥無表裏法傳真體得
踞空醺然坐我春風底夢到明裡
二占前

廿四年丁亥歲重九日同弟忱巖奠辭首
黃葉番番落帽風今年秋祀喜君同
生榮沒戚無餘

憾秋降春升又一終玄壤潤涵泉脉遠
飢鳥飛去券甚差兩鄉相望幾千里
長在神靈顧護中

馬亂溪流濕鎗金捨鞍齊族野棠陰
千年盛氣通滄海滿袖秋香奠祖林
麗石未瞻先世號表行終媿古人心
衰年最切光揚事此意從來不獨今

奉寧野臺之目

贊南岸相對一方甚高平天然一臺弟仲略因曰可

為王氏遣奠拜甚

秋與非關觸物哀時經墟落自悲哉
重門未署榮親表暗用原涉

老岸先為下馬臺暗用董生車又擊擊春風粧點野花開
一杯共酌清泉水長繞先

塋兩面來一作滾滾

送弟仲略得假南行

頭健骨看雲駐帖帖爭教墮水飛假促家先無累
保事纏當重早知機雲連鄧鄙春泥遠路過襄城野
店稀去去莫辭鞍馬倦迎門兒女要牽衣



綠毛龜

四海金明一渥注伏藏來自水仙家背裏屬甲玄居
長髮散柔絲翠有華浮出湫泉看處好泳游蓮葉認
時差扶扶行嘆陪三老夢繞春烟鶴禁花唐州城北一井專產
此龜至元十三年千秋節陪姚左丞許祭酒許榮
禱行香東朝禮畢觀文趾所進綠毛大祭故云
洛水當年負緯書獻嘉此日野人俱蒼鱗閃閃精分
斗暖融凝鬣滿軀元氣嚙來終不老芳蓮巢處更堪
圖詩成喜覩詞臣賦早挽人文與瑞符

至元廿四年丁亥秋九月廿四日壽中丞

王兄復放生者以此龜來獻余以靈物罕
見為賦一詩明日偶得大定廿三年壬寅
冬党承旨郝侯張甫所進賦贊墨蹟序說
明時嘉瑞甚郁郁也當時竹溪纔以應奉
供職文與翰已復如此宜乎金百年以來
文章命脉得其正傳者公一人而已因念
余平日所行造物者皆使之前知此節雖
出事後其類大同亦可重也故併及之

秋澗先生大全文集卷十八



卷之六

九

